

Tigusarineqarnermut tigummigallagassanngortitaanermullu paasissutissat

Uani quppersakkami atuarsinnaavatit tigusarineqarsimasunut tigummineqarallartussanngortitaasimasunullu maleruagassat pingaarnert. Sukumiinerusunik/Annertunerusumik paasisaqarusukkuut sulisunit malittarisassat inatsisillu atorsinnaavatit. Aamma sunulluunniit tunngatillugu nalornisuussaguit tamatigut sulisut aperiinnartarsinnaavatit.

Tigusaaneq

1. Eqqartuussisumut sassartitaaneq (inatsisit tunngaviusut malillugit killisiugaaneq)

Tigusarineqarputit. Nal.ak. 24-t qaangiutsinnagit iperagaanngikkuit eqqartuussisumut sassartinneqassaatit. Eqqartuussisup aalajangissavaa iperagaassanersutit, tigusarineqarnerit sivilunerpaamik nal.ak. 24-t pingasoriarlugit (ullut unnuallu pingasut) atuutiinnarallassanersog imaluunniit aalangiussinnaallugu tigummineqarallassasutit.

2. Inatsisileritooq/illersuisoq

Politiit ilitersussavaatsit qanoq periarfissaqarnerisutit inatsisilerituumik attaveqarnissannut. Inatsisit tunngaviusut malillugit eqqartuussivimmi killisiuinermit ilinnut illersuisussamik toqqaasoqassaaq.

3. Tigusarineqarnerit atuutiinnarallartussanngortinneqarpoq

Eqqartuussisup aalajangerpagu tigusarineqarnerit atuutiinnarallartinneqassasoq aammaarlutit eqqartuussisumut sassartinneqassaatit kingusinnerpaamik inatsisit tunngaviusut malillugit eqqartuussivimmi killisiorneqarnerpit siulliup naammassineraniit nal.ak. 24-t pingasoriarlugit (ullut unnuallu pingasut) qaangiutsinnagit. Tassanilu eqqartuussisup aalajangissavaa iperagaassanersutit imaluunniit tigummineqarallartussanngortitaassanersutit.

4. Peqateqaqqusaajunnaarsitaaneq

Politiit aalajangersinnaavaat parnaarussanik allanik peqateqaqqusaajunnaassasutit, taamalu tigusarineqarnerpit nalaani allanit avissaarsimatinneqassaatit attaveqaqqusaanak.

5. Nunat allamiut

Politiit ilitersussavaatsit illit nunagisavit aallartitaqarfianut imaluunniit sinniisoqarfianut attaveqarsinnaanermik pisinnaatitaasutit. Sulisut pisariaqarfiani ajornanngippallu avataaneersumik nutserisumik aggersaasinnaapput.

6. Politiit

Politiit sukumiinerusumik oqaluttuussinnaavaatsit tigusarineqarsimasunut malittarisassat qanoq ittuunersut. Kissaatigigukku sulisut politiinut attaveqarniarninni ikiussavaatsit.

Tigummineqarallartussanngortitaaneq

7. Illersorneqarnissamut siunnersuisoq

Inatsisit tunngaviusut malillugit eqqartuussivimmi killisiorneqarninni illersorneqarnissannut siunnersuisussamik toqqaasoqassaaq. Periarfissinneqassaatit eqqartuussivimmi killisiorneqalertinnak illersuisunnik oqaloqateqaqqaarnissannut.

8. Parnaarussaanerup sivilissusilerner

Tigummineqarallartussanngorlutit paraarussaaguit eqqartuussisup aalajangissavaa kingusinnerpaamik qaqugu taamatut parnaarussaanerit eqqartuussivimmit suliarineqaaqqissanersoq. Piffissaliinerup sap.ak. 4 qaangersimasussanngilai. Pisariaqartanngilaq eqqartuussivimmi najuunnissat eqqartuussisup aalangiiffigilerpagu paraarussaanerit ingerlaqqissanersoq. Taamaakkaluaq eqqartuussisup piumasarisinnaavaa najuutsinneqarnissat.

9. Peqateqaaqusaajunnaarsitaaneq

Eqqartuussisup aalangersinnaavaa paraarussanit allanit avissaarsimatinneqassasutit peqateqaaqusaanak. Eqqartuussiviup aalajangigaanik peqateqaaqusaajunnaarsitaasimaguit periarfissaqarputit soorlu annertunerusumik pulaarteqartitaanissamut. Ataanili sukumiinerusumik takuuk Pulaarteqarnermi Allagarsianillu Nakkutilliineq.

10. Qaffasinnerusumut suliareqqitassiineq

Eqqartuussisup tigummineqarallarnissannik immaqalu ilanngussimappagu peqateqaaqusaajunnaarsitaanissannik aalangiinera eqqartuussivimmut qaffasinnerusumut nalilernerqaaqsinnaavat. Taanna taagorneqarpoq aalangiinermik *suliareqqitassiineq*.

Tamanna pillugu illersuisuit sukumiinerusumik ilitersortussaavaatit.

11. Pulaarteqarnermi allagarsianillu nakkutilliineq

Politiit aalangersinnaavaat pulaarteqarsinnaassanngitsutit, imaluunniit pulaarteqarnitit nakkutigineqassasut. Piumasarisinnaavat politiit taama aalangiinera eqqartuussivimmut suliaassanngortinneqassasut. Politiit aamma aalangersinnaavaat allagarsiatit allakkatilluunniit nakkutigalugit misissorneqartassasut. Politiit allagarsiatit allakkatilluunniit tigummiinnarpatigit taamaaliornarat ingerlaannartumik eqqartuussivimmut suliarineqartussanngortitaassaaq.

Pisinnaatitaavutit nakkutigineqanngitsumik/alakkarterneqanngitsumik ilinnik illersuisussatut toqqaarneqartumit pulaarteqarlutillu allakkatigit attaveqaaqatiginninnissannik. Aamma pisinnaatitaavutit misissorlugit nakkutigineqanngitsumik allakkatigit attaveqaaqatigissallugit eqqartuussivik, Inatsiseqartitsinermik ministeri, Kriminalforsorg-ip Pisortaqarfiani generaldirektøri, sumiiffimmi pisortaq aammalu Folketingip Ombudsmand-ia. Pisortaqarfiit ilaannut allanut allakkatigit attaveqaaqatiginnissinnaanermut malittarisassat immikkut ittut atuupput. Pisariaqartissagukku sulisut aperikkat.

Isertitsiviup aamma aalangersinnaavaa, allakkatit allagarsiatillu misissorlugit nakkutigineqassasut, ilaatigit soorlu ingalasimaniarniarlugu anngiortumik eqqussiniarnerit annissiniarnerilluunniit. Takukkit ataani Malittarisassat, Iteqqeqqutillu.

12. Oqarasuaasernerit

Aallaavigalugu oqarasuaasernissamut periarfissinneqartussaannngilatit. Taamaakkaluaq pisut ilaanni akuerineqarlutit sianersinnaavutit, soorlu illt inissimaffinni allakkamik allannissaq sivisuallassappat. Taamak akuerisaanissamut suliatigit ingerlanneqarsinnaanersut aamma politiit najukkamilu isertitsiviit akerliunersut apeqqutaasarpot. Illersuisunnut sianerniaruit nalinginnaasumik akuerineqarsinnaavutit.

Pillaatisissutigineqarsinnaavoq oqarasuaammik angallattakkamik isertitsivimmut eqqussigaanni. Taamatuttaaq pillaatisissutigineqarsinnaavoq ikinngutitit imaluunniit ilaqtuttit isertitsivimmut pulaartillutit oqarasuaammik angallattakkamik nassarpata.

13. Nunat allamiut

Politiit ilitersussavaatsit illit nunagisavit aallartitaqarfianut imaluunniit sinniisoqarfianut attaveqarsinnaanermik pisinnaatitaasutit.

Sulisut pisariaqarfiani ajornanngippallu avataaneersumik nutserisumik aggersaasinnaapput.

14. Malittarisassat, iliuusereqqusat inerteqqutillu

Pisinnaatitaavutit takussallugit danskit Kriminalforsorgiata Maleruagassiaanni aammalu Europami Parnaarussiviit Maleruagassiaanni qanoq allassimasoqartoq, kiisalu aamma isertitsivimmi qanoq ittunik immikkut maleruagassiaqartoqarnersoq

Imigassat ikiaroornartullu inerteqqutaapput. Taamaapputaaq nakorsaatit nakorsamit tunniunneqarsimanngitsut.

Isertitsivimmit qimaagaanni pillaatissutaasarpog.

Tamakku saniatigut malittarisassat atuuttut sulisullu iliuusereqqusissutaat inerteqqutigisaallu malinniartassavatit. Malittarisassat isertisiviup malittarisassani allassimapput. Taakkunani aamma sukumiinerusumik atuarsinaavatit aaqqiinerit allat, soorlu qanoq periarfissiisoqarsimanersoq atortussanik pisariaqartitavinnik pisisinnaanermut, aammalu piffissap qanoq ilinerani pulaartoqarsinnaaneranut kiisalu nammineq pigisanik tunniussivigineqarsinnaanermut tunngasut. Uuma kingorna atuarsinnaavatit inissiivimmiinninni malittarisassat pingaernerit suunersut.

15. Inummut aamma isumaginninnermut ikiorsiineq

Danskit Kriminalforsorgiata ikiorniassavaatit tigusarineqarnerpit tigummigallagassanngortitaanerpilluunniit illit suliffeqarninnut kalluaaneratigut aammalu inooqateqarnernut/isumaginninnermut imaluunniit inuttut kingunipiloqartitsisinnaanerpit pakkersimaarniarnerini.

Isumaginninnermut siunnersortimik (socialrådgiver-imik) pulaarneqassaatit, taassumalu isertitsivimmi aalajangersimasumik sulisut suleqatigalugit ikiorniassavaatit ilitersorlutillu. Isertitsivimmi aalajangersimasumik sulisut imaluunniit isumaginninnermut siunnersorti oqaloqatigisinnaavatit illit ilaquttavillu inuttut aammalu inooqatigiinnikkut/isumaginninnikkut ajornartorsiutissinnik.

Allatut immikkut ikiorserneqarnissannik pisariaqartitsiguit saaffigisinnaavat ilinniartitsisoq, palasi, napparsimasunik paarsisoq ("niviarsiaq"), nakorsaq imaluunniit allat. Pisariaqartissagukku sulisut aperikkut.

16. Nerisat imeruersaatillu

Isertitsivimmit nerisassanik imeruersaatillu neqeroorfigineqassaatit. Peqqinnissaq pillugu nakorsap peqqusineratigut immikkut akuukkanik nerisassiisoqarsinnaavoq. Naatitaannarnik nerisuuguit imaluunniit upperisat patsisigalugu immikkut sanaanik nerisaqartariaqaruit tamakku tunngavigalugit nerisassiisoqartassaaq. Pisariaqartikkukku immikkoortoqarfimmi inissinneqarfinni sulisut imaluunniit palasi aperisinnaavatit.

Isertitsivik aqqutigalugu ulluinnarni pisariaqartitat pisiarisinnaavatit, soorlu avisit, tupat nerisassallu. Pisariaqartikkukku sulisut oqaloqatigikkut.

Ilaquttavit allalluunniit ulluinnarni pisariaqartitannik nassarlutik pulaarsinnaanngilaatsit.

17. Pujortarneq

Illup iluani pujortarneq inerteqqutaavoq danskit Kriminalforsorgeqarfiata ataaniittuni tamani. Silami pujortarsinnaatitaavutit. Pujortarnermut malittarisassiat Kriminalforsorgeqarfinni tamatumalu ataaniittuni allanngorsinnaapput.

Tupat, cigarettit pujortarnermullu atortut allat nalinginnaasumik sikaavimmi parnaartartumi ineeqqavit silataaniittumiitinneqartarput imaluunniit sulisunit paarineqartarput. Sikaaviuteqaruit parnaaqqajuaannassaaq, illillu matuersaat paarissavat.

Tupamik pujortarnermulluunniit atortunik allanik ineeqqanniititaqarsinnaanngilatit. Malittarisassanik unioqqutitsineq pillagaanermik kinguneqartassaaq.

Pujortarunnaarusukkuit, sulisut aperikkat pujortarunnaarniartunut akeqanngitsumik peqataasinnaanersutit.

18. Uffarfik/perusuersarfik

Amerlanertigut periarfissaqarput ullut tamaasa uffarnissannut. Eqqiluisaarutit assigisaallu sulisunit tunniunneqartarput aammali isertitsivik aqqutigalugu tamakkusisinnaavutit.

19. Pigisat aningaasallu

Tigummineqarallartussanngorlutit parnaarusvivimmiinninni malittarisassaqqarpoq pigisat suut ilinnut tunniunneqarsinnaanersut. Avataaniit aningaasanik elektroniskiusutigut nassinneqarsinnaavutit taakkulu isertitsivimmi atorsinnaallugit. Taamaakkaluaq malittarisassaqqarpoq aningaasat tigoriaannaat aammalu allatigut nalillit qanoq amerlatigisut isertitsivimmiinninni ataatsikkut pigisinnaaneritit. Isertitsivimmi aningaasat elektroniskiusutigut taamaallat atorneqarpata, tigussaasunik aningaasanik paarisaaqqusaanngilluinnarputit. Sulisut oqaluttuussinnaavaatsit illit nammineq pigisannik aningaasaatinnullu isertitsivimmiinninni tigummiqaqarsinnaanerit pillugu malittarisassat qanoq imaqaanersut.

Oqarasuaatinik angallattakkanik isertitsivimmut nassarsinnaanngilatit. Atuaruk sukumiinerusumik immikkortoq Oqarasuaasersornerit.

20. Pulaarteqarneq

Amerlanertigut periarfissinneqarputit pulaarteqarsinnaaninnut. Taamaakkaluaq politiit akueriumanngissinnaavaat pulaarteqarnissat imaluunniit aalajangersinnaallugu pulaarteqarnerit nakkutigineqassasoq, takuuk immikkortoq Pulaarteqarnermi allagarsianillu nakkutilliineq.

Politiit pulaarteqarsinnaaninnut itigartitsinngikkaangata imaluunniit nakkutilliisoqarnissaanik piumasaqarsimanngikkaangata makku atuuttarput:

Pisinnaffeqarputit pulaarteqarnissannut isertitsivimmi pissutsit najoqqutaralugit qanoq akulikitsigisarnissaanik aalajangikkamik. Pulaarteqarnerit nalunaaqqutap akuneerata affaanit sivikinnerussanngilaq. Pulaarteqarneq amerlanertigut nakkutigineqarani pulaarteqarnerusarpoq. Danskit Kriminalforsorgeqarfiannit aalajangiisoqarsinnaavoq pisariaqalerfiani pulaarteqarnerit nakkutigineqassasoq, soorlu anngiortumik eqqusseriarnissaaq imaluunniit allatut pillaatissiffiusinnaasumik iliuuseqartoqarnissaa pinngitsoorniarlugu. Danskit Kriminalforsorgeqarfiannit aamma ilaannikkooriarluni aalajangiunneqarsinnaavoq inuit aalajangersimasut ilinnut pulaarsinnaatitaassanngitsut.

Ilaqutaqanngikkuit imaluunniit ikinnguteqanngikkuit pulaartigisinnaasannik periarfissaqarputit sulisut aperissallugit pulaartartorisinnaasannik toqqaasoqarsinnaanersoq.

Eqqartuussivimmit aalajangerneqarsimappat peqateqaqqusaajunnaarsitaassasutit, sapinngisaq tamaat sap.ak.-nut ataasiarlutit pulaarteqarsinnaatinniarneqartassaati. Pulaarteqarnerit nal.ak.- nit ataatsimit sivikinnerussanngilaq.

Amerlanertigut tusagassiortunit pulaarneqarsinnaassaati politiit tigummineqarallarnissannut pissutigineqartut qissimigaarlugit taakkunannga pulaarteqarnissat akueriumanagu nalunaarsimanngikkaangata. Tusagassiortunit apersorneqassaguit taamaalorsinnaavutit Kriminalforsorgimit akuerineqaqqaarlutit, pissutigalugu tusagassiorfinnut oqaatigisinnaasatit killilersorneqarsinnaammata.

Tamatigut pisinnaatitaavutit nakkutigineqanngitsumik ilinnik illersuisussatut toqqakkamit pulaarneqarnissannut.

21. Allakkat

Allakkat politinit misissorlugit nakkutigineqanngitsut isertitsivimmit nakkutigineqartarput anngiortumik eqqussiniarnerni annissiniarnernilu atorneqartinnaveersaarniarlugit. Taamaammat allagarsiatit isigitillutit ammarneqartassapput. Illit allakkat nassiunniakkavit puuat matunagu sulisunut tunniunneqartassapput. Nakkutigalugit alakkarneqareerpata isigitillutit puussaannut ikillugit matuneqassapput. Pisariaqarpat isumannaatsuunissaq pillugu allakkat sulisunit taamaallaat atuarneqarsinnaapput.

22. Allakkat digitaliusut - oqartussaasunit allagarsiat

Parnaarussat amerlanersaat internetersinnaatitaanngillat taamaattumillu allagarsiaminnik digitaliusunik alakkaasinnaanatik. Illit internetersinnaatitaanngikkuit digitaliusunik allagarsisarunnaarumasinnaavutit, paarlattuanillu oqartussaasunit allakkatigut allagarsisalissaati. Adressernut nalunaarsorsimasannut, adresse alla tunniussimanngikkukku, allakkanik nalinginnaasunik pappialaasunik paarlattuanik allagarsisassaati. Aamma aalajangersinnaavutit ilaquuttat allakkatigut oqartussaassusilersinnaavat internetikkut allagarsiannik digitaliusunik alakkaasarnissamut. Paasisaqarnerujumallutit sulisunut saaffiginnigit.

23. Aneersinnaatitaaneq

Isertitsivik qimallugu aneersinnaatitaaneq killilersugaavoq taamaallaallu immikkut pisariaqaleraangat aatsaat aneersinnaatinneqartassaati, soorlu qanilluinnakkavit ilaat perululluni napparsimalerpat imaluunniit ilisaalerpat. Aneersinnaanermik akuerinnittoqartarpoq aatsaat politiit akuersigaangata tamatigullu paarsisulerlutit aatsaat aneersinnaavutit.

24. Inussioqatigiinneq

Naak politiinit imaluunniit eqqartuussivimmit aalajangerneqanngikkaluaq peqateqaqqusaajunnaassasutit isertitsivimmi pissutsit pequtigalugit amerlanertigut parnaarussaaqatinik inussioqatigiissinnaaneq taamaallaat killilimmik pisinnaasarpog ("inussioqatigiissinnaatitaanermi mattussaaneq").

18-it inorlugit ukioqaruit immikkut ittunik inussioqatigiissinnaanermut malittarisassaarpog. Pisariaqartissagukku sulisut aperikkat.

25. Parnaarussivimmut nuutsitaaneq

Piffissat ilaanni periarfissaqartarpoq naak suli eqqartuunneqanngikkaluartutit eqqartuussiviup pillaaassutaanik naammassinninniarfiusartumut parnaarussivimmut inissinneqassasutit (eqqartuussiveqarneq pillugu inatsisip § 777 malillugu). Pisariaqartissagukku illersuisut aperiuq.

26. Sulineq

Tigummineqarallartussanngorlutit parnaarusaaninni isertitsivimmiitillutit pisinnaatitaavutit sulinissannut, ilinniagaqarnissannut imaluunniit allamik akuerineqartumik ingerlataqarnissannut, tassunga ilaalluni katsorsarneqarneq. Suliffeqaruit sulinnut aningaasarsiaqassaatit. Napparsimaleruit napparsimangersiuteqassaatit.

Aamma illit nammineerlutit isertitsivimmi ingerlanneqarsinnaasumik suliffissarsiorsinnaavutit, taamaattorli tassannga suliaqalersinnak danskit Kriminalforsorgiat akuerseqqaartussaavoq aammalu suliarisat malittarisassani toqqissimasoqarnissaanik sillimaniarnermullu aalajangersakkanut naleqqussagaasimasariaqarluni. Akissarsiavit imaluunniit napparsimangersiuteqaativit 15%-ii sipaarlugit immikkoortinneqassapput aninermilu imaluunniit iperagaanermi aningaasartuutitut matussusiinissamut atorneqarsinnaapput.

27. Atuartitaaneq

Isertitsivimmi atuartitaasoqarsinnaanerani neqerooruteqarpoq. Periarfissat pillugit pisariaqartissagukku sulisut oqaloqatigisinnaavutit. Pillaatisinneqassaguit taassuma naammassiniarnerata nalaani sivilisunerusumik atuartinneqarnissannik pilersaarusiortoqarnissannut soqutiginnikkuit tamanna pillugu sulisunik oqaloqatiginnissinnaavutit. Atuartitaanerpiit nalaani sulinermut aningaasarsiaqassaatit.

28. Sunngiffimmi

Nalinginnaasumik ullormut nal.ak. ataatsimi silamiissinnaavutit ("silaannarissarneq"). Illumi malittarisassat takukkit.

Inuusuttut 18-it inorlugit ukiullit ullormut akunnerit marluk tikillugit timertik aalatinnissaannut pisinnaatitaaffeqarput, akunnernilu taakkunani minnerpaamik ak. ataaseq silamiinnermut atorneqarsinnaavoq.

Isertitsivimmi sukisaarsaarutit assigiinngitsut pigineqarput, soorlu nerrivimmi arsaararneq (bordtennis), skakkerutit, aammalu timigissarneq. Periarfissaliunneqartut pillugit sulisut aperisinnaavutit.

Periarfissaqarputit radiomik tusarnaarnissamut, TV-mik isiginnaarnissamut aamma avisinik, atuagassianik atuakkanillu atuarnissamut. Qaqutigooruuartoq taamaaliorssinnaaneq politiinit itigartitsissutigineqarsimasarpoq. Pisariaqartissagukku sulisut aperisinnaavutit qanoq periarfissaqartiginersutit radiomik TV-millu attartorsinnaaninnut aammalu atuagassianik avisinik assigisaannillu atorsinnaaninnut pisisinnaaninnulluunniit.

Eqqartuussiviup aalajangersimappagu peqateqaqquneqarunnaarlutit avissaarsimatinneqassasutit periarfissinneqassaatit akeqanngitsumik TV-mik atukkerneqarnissannut.

29. Qinersinerit il.il.

Piumasaqaatit aalajangersimasut, assersuutigalugu danskisut innuttaassuseqaruit, pisinnaatitaavutit folketingimut, kommunenut il.il. allakkatigut qinersinissannut. Aammattaq pisinnaatitaavutit politikkikkut ingerlatsinerni inatsisaatsuliorfiunngitsuni allani peqataanissamut.

30. Napparsimaneq

Isertitsivimmi nakorsiartarfeqarpoq. Neqeroorfigineqassaati nakorsamik imaluunniit napparsimasunik paarsisumik ("niviarsiamik") oqaloqateqarsinnaasutit. Misigisimaguit nakorsiartariaqarlutit sulisut taassuminnga paasitissavatit taakkulu nakorsaq imaluunniit napparsimasunik paarsisoq tamatuminnga tusartissavaat.

Nakorsap nalilertussaavaa katsorsartariaqalersimanersutit pisariaqarpallu aamma nalilissallugu katsorsarneqarnerit danskit Kriminalforsorgiata katsorsaaviisa ilaanni pissanersaq imaluunniit napparsimmavimmut nalinginnaasumut innartinneqassanersutit.

31. Kigutileritinneq

Pisariaqarluinnartuinnarmik, tassa utaqqinneqarsinnaangitsuinnarmik kigutileritinnissannut pisinnaatitaavutit. Ilaannikkut taama kigutileritinnerit nammineq akilissavat. Pisariaqartissagukku sulisut aperikkut.

32. Ajutoornermut tunngatillugu taarsiiffigitinneq

Pisinnaatitaavutit danskit Kriminalforsorgiata isertitsiviutaaniitillutit ajoquseruit taarsiiffigitissinnissamut. Sulininni sukisaarsaartilluunniit ajoqusersimaninnut tunngatillugu taarsiiffigitissinnaavutit. Aamma taarsiiffigitissinnaavutit, assersuutigalugu ajoquserninnut tunngatillugu isarusstat aserorpata.

33. Suliassamik isumaginninneq

Nalinginnaasumik pisinnaatitaavutit oqaaseqarlutit saqqummiussinissannut illit pillutit suliaq naammassineqartinnagu. Itigartitsinerit aalajangiinerillu ilinnik tapersiinnngitsut allatut pisoqartinnagu tunngavilersorneqartussaapput. Pisinnaatitaaffigaat aalajangiineq allaganngorlugu pissallugu. Illit pillutit suliamut allattugaat pinissaannut kiisalu allattukkanut atatillugu aalajangiisoqannginnerani oqaaseqarfigisinnaatitaannut pisinnaatitaaffeqarputit.

Tigummigallagassanngortinneqartunut tunngatillugu malittarisassat aalajangersimasut atuupput, taamatuttaaq ipput inussioqatigiissinnaanermi mattunneqarnissamik aalajangiinerit kiisalu danskit Kriminalforsorgiata inissiisariutaanit allamut nuutitsisarnerit. Sulianut tamakkununga tunngatillugu suliaq pappialartaannik qimerluuisinnaaneq pisinnaatitaaffiginngilat, taamaattumillu ilaatigut aalajangiussamut tunngavilersuutini tusartinneqarnissat killeqassaaq.

34. Maalaarutit

Danskit Kriminalforsorgiata aalajangigaannut tunngatillugu maalaaruteqarneq
Nalinginnaavoq danskit Kriminalforsorgiata aalajangigai pillugit Kriminalforsorgip immikkoortortaqarfiinut maalaaruteqarsinnaannginnerit. Makkuli pillugit aalajangikkat maalaarutigineqarsinnaapput:

- Aneersinnaatitaaneq
- Pulaarteqarneq, aamma meeqqannik tigummigallaaqateqarnissamik itigartitaaneq
- Parnaarussanik misissueqqissaarneq
- Ineeqqat pillaaftit killisiuiffiillu aamma aneeqqusaanngikkallarnek
- Ineeqqamut matoqqasumut inissinneqarneq, paffequtini saviminernik illersuutini allanik atuineq
- Pissaanermik atuineq
- Parnaarussanik peqateqarneq
- Tusagassiuutini attaveqarsinnaatitaaneq

Maalaarnissamut periarfissatit pillugit sukumiinerusunik paasissutissaqarpoq tigummigallaanissamik nalunaarummi assigiinngitsullu ataasiakkaat pillugit nalunaarutini. Sulisut malittarisassianik eqqortunik nassaarnissannut ikiorsinnaavaatsit.

Aalajangikkamut aalajangersimasumut tunngatillugu maalaarsinnaatitaaguit sulisut tamanna pillugu paasissutississavaatsit. Aalajangikkat allattugaatineqarpata maalaarnissamut periarfissatit aalajangikkamit takuneqarsinnaassapput.

Kriminalforsorgip immikkoortortaqaarfiinut danskit Kriminalforsorgiannit aalajangikkat pillugit maalaaruteqarusukkuit, aalajangiunneqartumit qaammatit marluk qaangiutsinnagit taamaaliortariaqarputit.

Sulisut pissusilersornerannik maalaaruteqarneq

Aamma isertitsiviup aqutsisuinut imaluunniit Kriminalforsorgip Pisortaqaarfianut maalaarutigisinnaavatit sulisut pissusilersorneri. Sulisut pissusilersorneri pillugit maalaarutitit taperseerineqanngippata imaluunniit maalaarummik tunniussininniit sap.ak. marluk qaangiutsinnagit aalajangiiffigineqavissimanngippata maalaarutitit eqqartuussivimmuut suliaassannngortinneqarsinnaapput. Eqqartuussiviup maalaarutitit akuerinagit utertissinnaavai, soorlu nalilerneqarpat tunngavissaqanngitsut. Aammali eqqartuussiviup maalaarutit akuerinagu utertissinnaavaa, soorlu maalaarutinni pineqartoq sap.ak. sisamanit siusinnerusukkut pisimasuuppat.

Folketingip Ombudsmandia

Folketingip Ombudsmandianut maalaaruteqarsinnaavutit danskit Kriminalforsorgiata aalajangigaanut inaarutaasumut tunngatillugu. Ombudsmand-ip aalajangiineq nammineerluni allanngortissinnaanngilaa, taassumali oqartussaasut aalajangiisimasut qinnuigisinnaavai suliaq qimerlooqqissagaat. Ombudsmand-ip innersuussutai amerlanertigut malinneqarajupput.

Parnaarussanut malaarnissamut ilitersuut

Pissutsit parnaarussivinni imaluunniit parnaarussaangallarfinni aammalu pinerluttunik isumagin-nittoqarfiup sulisui pillugit maalaarneq Malugeqquneqarpoq, periarfissaqaravit pissutsit parnaarussivimmi imaluunniit parnaarussaangal-larfinni maalaarutigisinnaangakkit, soorlu aamma maalaarutigisinnaavat pinerluttunik isumaginnit-toqarfiup atorfilittaanik nakuuserfigineqarsimaguvit. Aamma tamanna sulisut pissusilersuutaannut atuuppoq, soorlu misiginikuungukku sulisut pissusilersornerat imaluunniit oqalunnermikkut nika-saarpasissumik pillutik imaluunniit assigisaanik. Maalaarutit allakkat puusnaanut matoqqasumik poorlugu sulisunut tunniussinnaavat piumasa-ralugu, nassiunneqarnissaa Suliffeqarfiup Siulersuisuinut, Områdepallafiqarfianut imaluunniit Pisortaqaarfimmuut. Tamatuma kingorna allakkatit tiguisussamik aatsaat ammarneqassapput, tamatuma kingorna aalajangiiffigineqassaaq, kiap maalaarutit akissuteqarfigissagaa. Malugissavat, suliaq misissuiffigineqassammat, tamatuma kingunerissallugu peqataasut tusarniaaffigineqarnis-saat.

35. Inunnik nalunaarsuinermut inatsit

Danskit Kriminalforsorgiata inissiisarfiisa ilaanni parnaarunneqarsimaguit, paasissutissat ilinnut tunngasut qarasaasiat atorlugit katersorneqarlutillu suliarineqassapput.

Inuit pillugit paasissutissanut inatsit malillugu pisinnaatitaaffitit makku atorsinnaavatit:

- pisinnaatitaavutit paasissutissanik edb-kut suliarisassannngorlugit katersineq pillugu paasitinneqarnissamut
- pisinnaatitaavutit qinnutigissallugu paasissutissat suliarineqartut suunerinik paasitinneqarnissannik
- Pisinnaatitaavutit piumasarissallugu paasissutissat iluarsineqassasut imaluunniit piiarneqassasut mattunneqassasulluunniit, taakku kukkusuuppata, paasinerluutaasinnaappata imaluunniit assigisaannik inatsit unioqqutillugu edb-kut suliarineqarsimappata.

36. Naalanngitsuliortunut pillaatit il.il.

Malittarisassat atuuttut unioqqutikkukkit naalanngitsuliortutut pillaatissinnaavutit, soorlu mianersoqqussummik tunineqarlutit, akiliisitaallutit, pillaatit aneersinnaajunnaarlutit, pulaartoqarnissaanerit, allakkanik allassinnaanerit imaluunniit oqarasuaammik atuisinnaanerit killilersorneqarallarlutik, imaluunniit ineeqqamiittussanngortinneqarallarlutit (mattussaallutit). Naalanngitsuliortutut pillaatissinneqarninnut atatillugu assigiinngitsunik pisinnaatitaaffeqarputit, taakkualu pillugit sulisut ilisimatissavaatsit, taakkununga ilanngullugu aalajangiisoqannginnerani oqaaseqarsinnaatitaanernut aamma aalajangiinnermut tunngavilersuut tusarnissaanut pisinnaatitaaffitit. Pisut ilaanni aamma paarnaarussanut allanut inussioqatigiinnernut ilaassinnaatitaajunnaarsinnaavutit ("inussioqatigiinnermit mattussaaneq"). **Maalaarutit** aamma takukkit.

37. Pissaanermik atuineq

Pisut ilaanni sulisut pisinnaatitaapput pissaanerminnik atuinissaminnut tassanilu upalungaarsaatit atorsinnaallugit. Sulisut ilaatigut atorsinnaavaat paagutseriaatsit assigiinngitsut imaluunniit parnaarsartunik paffequtsiusiillutik, anaatalersorlutik seqqartaatinilluunniit qasilitunik atuillutik.

Pissaanermik atuinerit qanoq ikkaluartulluunniit tamarmik sukumiisumik nakkutigisaapput, atuiaraannilu taamaaliulinnginnermi piumasaqaatit aalajangersimalluinnartut naammassineqarsimasariaqarput. Pissaanermik atuineq tamatigut sakkukinnerpaaq atorniartariaqarpoq angorusutaq piniarlugu. Takuuk Maalaarutit.

38. Misissugaaneq

Inissiivimmut isertinneqarninni misissorneqassaait (ujarlerfigineqassaait). Ima paasisariaqarpoq sulisut misissussagaat nassataqarnersutit isertitsivimmi pigineqaaqqusaanngitsunik. Tamataajassaait - taamaaliorneq upperisannut akerliugaluarpalluunniit. Taama misissuisoqartarpoq inuttut sooqatinnit (arnat arnanit - angutit angutinit).

Isertitsivimmiinnerpit nalaani aamma misissuiffigineqartassaait, soorlu pulaarteqaleruit pulaarteqareeraangavillu. Upalungaarsimaniarneq pillugu aamma illit inigisat misissuiffigineqartassaaq.

Aamma peqquneqarsinnaavutit quunnik misissugassamik tunniusseqqullutit, sulisut misissorsinnaaniassamassuk ikiaroornartutorsimanersutit nukkassaaitorsimanersutilluunniit.

Eqqartuussaaneq taassumalu naammassineqarnera

39. Inuiaqatigiinni sulisitaaneq (Samfundstjeneste)

Pisut ilaanni eqqartuussiviup aalajangersinnaavaa parnaarussaaneermik pillaatississaraluamut taarsiullugu inuiaqatigiinni sulisitaassasutit. Taamatut aalajangiisoqarsinnaavoq putumallutit bilersimaguit imaluunniit iluanaarniutigalugu pinnerluuteqarsimaguit.

Eqqartuussivimmi aalajangiisoqannginnerani inuiaqatigiinni sulisitaanissamik pillaatissinneqarnarlutit qinnuteqarsinnaavutit.

Inuiaqatigiinni sulisitaaneq pillugu sukumiinerusumik paasisaqarusukkuit danskit Kriminalforsorgiannit pigineqarpoq immikkut quppersagaliaq taassuminnga imaqartoq. Pisariaqartissagukku isertitsivimmi sulisut imaluunniit inunnik isumaginninnermut siunnersorti aperikkitt.

40. Suli isertitsivimmi tigummineqarallartussanngortitaaneq?

Eqqartuussaanerit naammassippat eqqartuussivimmit aalajangerneqassaaq iperagaassanersutit imaluunniit isertitsivimmi tigummineqarallaannassanersutit pillaatisiavit parnaarussivimmi naammassinialernissaata tungaanut.

41. Qaffasinnerusumut suliareqqitassiineq

Eqqartuussaanerpit inerneranik saqqummiussiffigineqarnerpit kingorna piffissaqartitaavutit ullunik 14-inik eqqartuussaanerpit eqqartuussivimmut qaffasinnerusumut suliareqqitassanngortinnissaanut. Eqqartuussinerup inenera tusartinneqartorlu ingerlaannaq suliareqqitassanngortissinnaavat imaluunniit isertitsivimmi sulisunut oqarlutit taakku immikkut atuagarsuaateqarmata suliareqqitassiinnermut allattaavimmik. Ilinnut illersuisussatut toqqarneqarsimasup pisussaaffigaa apeqqutini suliareqqitassiinnermut tunngasuni ilitersussallutit.

42. Singernikkut qilerutit elektroniskit

Inuit qaammatit arfinillit tikillugit parnaarussaallutik pillaatisisimasut periarfissaqarsinnaasarpit najukkaminni singernikkut qilerutit elektroniskit atorlugit eqqartuussaanerminnik naammassiniaanissaminut. Tamatumunnga illoqatitit aamma suliffeqarnermi inissisimaffiit apeqqutaatinneqarput. Pisariaqartissagukku inunnik isumaginninnermut siunnersortit taanna pillugu aperiuq.

43. Katsorsarneqarneq

Tigummigallagassanngortitaasut aalakoomartumik imaluunniit ikiaroornartumik atornerluisuusut katsorsarneqarsinnaapput. Najugaqarfinni isertitsiviit piareersaatitut katsorsaanernik aamma, kingornatigut, tamakkiisumik katsorsaanernik neqerooruteqartarput.

Immikkut katsorsarneqarnissannik pisariaqartitsissaguit ilaatigut periarfissinneqarsinnaavutit danskit Kriminalforsorgiata inissiisarfiutaasa avataanniittumut inissinneqarlutit pillagaanerit naammassiniassallugu. Taamatulli aaqqisoqarsinnaanngippat danskit Kriminalforsorgiannit neqeroorutigneqarsinnaapput katsorsaariaatsit assigiinngitsut immaga atorniarlugit aalajangiussinnaasatit, soorlu imigassamik imaluunniit ikiaroornartunik atornerluisuuguit, imaluunniit nakuusersimasutut imaluunniit kinguaassiuutitigut atornerluisimasutut eqqartuussaasimaguit.

Neqeroorutit tamakku amerlanersaat aatsaat peqataaffigilersinnaavatit eqqartuussaasimaguit.

Danskit Kriminalforsorgiannit saqqummersinneqarsimapput quppersakkat immikkut ittut katsorsarneqarsinnaaneq assigisaallu pillugit paasissutissartallit. Pisariaqartissagukku sulisunut paasiniaasinnaavutit.

44. Parnaarussaanerimik pillaatisisimaguit

Danskit Kriminalforsorgiannit saqqummersinneqarsimavoq quppersagaq parnaarunneqartussanngorluni pillaatisinernup naammassiniarneranik imaqartumik. Taanna sulisunit pissarsiarisinnaavat.

45. Ikiorneqartariaqarfinni il.il.

Tigummineqarallartussanngorlutit parnaarusaaqut akunnerit 24-t siulliit qaangiutsinnagit sulisumit pulaarneqassaait. Sulisup ajornartorsiutinnik piaarnerpaamik ikiorneqartariaqarfinnik ikiorniassavaait soorlu ilaqtannut, angerlarsimaffinnut, uumasuutinnut, suliffinnut, peqqissutsinnut il.il. tunngasunut, aamma najugaqarfinni isertitsivimmiisinnerqarnermi malittarisassat paasissutissallu allat pillugit paasitissavaait.

Ullut suliffiusut siulliit arfineq-marluk qaangiutsinnagit isumaginninnermut sulisumit aammattaaq pulaarneqassaait. Taassuma ikiorneqartariaqarfinnik ikiorsinnaavaait, soorlu najugaqarfinni kommunimut attaveqarnermut, atuisuuffinnut immikkut akuerineqarnissamut qinnuteqarninnut, imalunniit ineqarnermut akiliinissamut tunngasuni.

Eqqartuussaaguit parnaarunneqartussanngorlutit, folkeregisteri tamanna pillugu automatiskimik nalunaarfigineqassaaq. Isumaginninnikkut ikiorserneqarsinnaajunnaartitaassaait, maannali najugarisanni oqartussaasunut ineqarnivit akilersornissaanut il.il. ikioqqunissannut qinnuteqarsinnaavutit. Danskite Kriminalforsorgianni isumaginninnermut sulisup inunnik isumaginnittoqarfimmut qinnuteqarniarninni ikiorsinnaavaait.

46. Ilaquttanut saaffiginnissut

Tigummineqarallartussanngorlugu parnaarussamut ilaqutaaguit apeqqutiginiakkavit ilaat immaqa uani akissutissarsiffigisinnaavutit.

Maleruagassiat pulaarnermut, oqarasuaasersornermut, allakkanut aammalu aneersinnaatitaanermut tunngasut uuma qulaani sukumiinerusumik nalunaarsorneqarsimapput. Tigummineqarallartussanngortitamut pulaarniaruit, danskite Kriminalforsorgiannut qinnuteqassaait pulaarsinnaanermut akuersisummik piniarlutit. Aamma pulaartinnak piffissamik inniminneeqqartartussaavutit. Tamakku saniatigut sianigalugu eqqaamasariaqarpat tigummineqarallartussanngortitaasumut isertitsivimmut pulaaruit assitalimmik kinaassutsinnut uppernarsaateqartariaqaravit. Parnaarussivinni matoqqasuni isertitsivinnilu pulaarnermi oqarasuaatinik angallattakkanik nassaraanni pillaatissutaasarpog.

Tigummineqarallartussanngorlugu parnaarussaasimasumut ilaqutaaguit tamatigut tikilluaqquneqarputit oqaloqateqarnissannut isumaginninnermut sulisumik danskite Kriminalforsorgianneersumik.

47. Nipangiussisussaaitaaneq

Parnaarussivinni, isertitsivinni aammalu danskite Kriminalforsorgianni sulisut tamarmik nipangiussisussaaitaapput.

Unnerluutiginnissuttip imaanik aamma tigummineqarallartussanngortitat pillugit paasissutissat ilaqutaannut allanulluunniit avataaneersunut ingerlateqqeqqusaanngillat. Parnaarussap nammineerluni ilaqtanni, soorlu inuttut atukkani pillugit oqaluttuussinnaavai, sulisut taamaalorsinnaatillugit akuersereersimanngikkuni.

48. Oqarasuaatikkut siunnersuineq

Apeqqutissaqaruit danskite Kriminalforsorgianni inunnik isumaginninnermut siunnersorti (socialrådgiver) oqaloqatigisinnaavat aammalu malittarisassat pisinnaatitaaffiillu pillugit paasissutissanik pissarsisinnaallutit danskite Kriminalforsorgiata kinaanermik taasinani oqarasuaatikkut siunnersuisarfeqarfia attavigalugu, normua: oqar. 70 26 04 06.

Siunnersuisarfik ulluni ukunani ammasarpoq:

- Ataasinngornermit tallimanngornermut: 9.00-14.00
- Ataasinngornermit sisamanngornermut unnukkut: 19.00-21.00
- Sapaammi: 12.00-16.00
- Sapaatikkut matoqqasarpoq.

Siunnersuisarfik ammasarpoq ulluinnarni nal.: 9.00-15.00 aamma 19.00-22.00.

Sap.ak. naanerani siunnersuisarfik ammasarpoq nal.: 12.00-18.00.

Direktoratet for Kriminalforsorgen
Strandgade 100
DK 1401 Copenhagen K

Oqarasuaat 72 55 55 55

www.kriminalforsorgen.dk
dfk@kriminalforsorgen.dk